

յիշեալ ուսուցիչներին իւր վերաբերմունքը դէպի ժամանակակից մանկավարժութիւնը. այդ այն է, թէ հէնց իւր՝ Սինօզի ցանկութիւնն է, որ կրօնական ուսմունքը աւանդուի մանկավարժութեան հիմնական սկզբունքների համապատասխան, առանց դէմ լինելու այն բոլոր բարի և յառաջադիմական վերաբերմունքներին, որոնք ուսուցիչները կտածեն դէպի կրօնի դասաւանդումը: Այսպիսով Սինօզը յոյս ունի, որ սաքսոնական ուսուցիչների այն մի մասի վերաբերմունքը, որ կայ դէպի Սինօզը, կվերանայ և մօտիկ ապագայում երկուստեք փոխադարձ վստահութիւն ու կատարեալ համերաշխութիւն կտիրէ:

Սակտոնիոյ ուսուցիչները, սակայն, դեռ ոչ մի վստահութիւն դէպի Սինօզը չեն ցոյց տուել: Եւ նոյն իսկ Դրեզդէնի ուսուցչական միութիւնը Սինօզին ուղղած իւր պատասխանի մէջ մտցրել է այն բանաձևը, թէ եթէ այսուհետև էլ պիտի կրօնի ուսումը տարուի Սինօզին հաճելի եղանակով, այսպիսով մեծ փնաս կհասնի գերմանական ժողովրդի կրօնական զարգացմանը: Դրեզդէնի ուսուցիչների կարծիքով Սինօզի որոշումը չի համապատասխանում ամբողջ ժողովրդի տրամադրութեան, այլ դա միայն ամենանեղ հայեացքի տէր Օրթոդոքս համարուածների կարծիքն է:

ԱՆԳԼԻԱԿԱՆ ԲՈՂՈՔԱԿԱՆ ԵԿԵՂԵՅԻ

ԾՆՆՂԵԱՆ ՏՕՆԸ ԱՆՂՈՒԱՅՈՒՄ:

«Բիւզանդիոն»-ը իւր դեկտ. 8-ի համարում՝ նիւթ վերցնելով «Թայմզ»-ից գրում է, որ ծննդեան տօնն Անգլիայում արդէն կորցրել է իւր նախկին բնաւորութիւնը, երբ իւրաքանչիւր անգլիացի իւր ազգային—կրօնական պարտքն էր համարում լինել այդ օրը իւր հայրենի յարկի տակ, իւր մերձաւորների հետ ներկայումս արդէն այդ օրը և ընդհանրապէս ծննդեան արձակուրդները դար-

ձեւ են ճանապարհորդելու մի ժամանակամիջոց: Եւ դա շնորհիւ այն հանգամանքի, որ առօրեայ լարուած զբաղմունքներից յետոյ անդլիացու համար երբեք ալիս են հանգըստի մի քանի օրեր, նա այլեւս չի կարողանում շարունակել մնալ իւր մշտական տեղում, մանաւանդ որ շնորհիւ երկաթուղային ու շողենաւային հաղորդակցութեանց զարգացման, նա ճանապարհորդութեան դուրս գալու մեծամեծ դիւրութիւններ ունի:

Պէտք է նկատել, որ այս սովորութիւնը ոչ միայն անդլիացոյց մէջ կայ, այլ դա ընդհանուր մի երևոյթ է ամբողջ Եւրոպայում:

